



BOSNA I HERCEGOVINA
PARLAMENTARNA SKUPŠTINA
ZAJEDNIČKA KOMISIJA
ZA EVROPSKE INTEGRACIJE

Broj: 04/2-50-1-16-4-3/04
Sarajevo, 13. februar 2004.

ZAPISNIK

sa 4. sjednice Zajedničke komisije za evropske integracije

Sjednica je održana 13. februara 2004. sa početkom u 11.15.

Sjednici su prisustvovali sljedeći članovi Komisije: Fatima Leho, Vinko Radovanović, Filip Andrić, Boško Šiljegović, Mehmed Suljkanović, Nenad Mišić, Hilmo Neimarlija.

Sjednici su prisustvovali i Vedran Hadžović, sekretar Zajedničke službe PS BiH, Osman Topčagić, direktor Direkcije za evropske integracije, Daria Ramljak i Dženana Hodžić iz Direkcije za evropske integracije.

Odsutni su bili: Ilija Filipović, Milorad Živković, Selim Bešlagić, Halid Genjac, Branko Zrno.

Predsjedavajuća Komisije gđa Leho predložila je sljedeći

DNEVNI RED

1. Usvajanje zapisnika sa 3. sjednice
2. Zaključci Predstavničkog doma i Doma naroda Parlamentarne skupštine BiH vezani za Program aktivnosti za realizaciju prioriteta u 2004. godini iz Izvještaja Evropske komisije
3. Pismo broj MFA BA EUPS 1074-00/1961-1/04 od 06.02.2004. vezano za dopis Evropskog parlamenta broj 311308 od 02.10.2003.
4. Izvještaj o izvršenju Programa aktivnosti za realizaciju prioriteta u 2004. godini za januar 2004. (Izjestilac Direkcija za evropske integracije)
5. Razno:
 - Izvještaj delegacije sa Osmog sastanka Mreže parlamentaraca u Beču 22. i 23. januara 2004.
 - Prijedlog zaključka o zahtjevu Ministarstvu vanjskih poslova za izradu Schengen-viza za članove Komisije
 - Prijedlog o imenovanju privremenog sekretara Komisije

Komisija je razmatrala predloženi dnevni red i jednoglasno ga usvojila.

Ad. 1. Usvajanje zapisnika sa 3. sjednice

Komisija je jednoglasno usvojila zapisnik sa 3. sjednice.

Ad. 2. Zaključci Predstavničkog doma i Doma naroda Parlamentarne skupštine BiH vezani za Program aktivnosti za realizaciju prioriteta u 2004. godini iz Izvještaja Evropske komisije

Gđa Leho je predstavila Zaključke Predstavničkog doma i Doma naroda i otvorila raspravu o ovoj tački dnevnog reda.

Sumirajući dodatne prijedloge, primjedbe i sugestije iz rasprave, Komisija je donijela zaključak da Program aktivnosti u suštini sadrži prijedloge i primjedbe za poboljšanje teksta i uspješnije ispunjenje obaveza. Uz to, Komisija smatra da je neophodno obezbijediti u budžetu za 2004. godinu potrebna sredstva za realizaciju Programa i za uspostavljanje i rad institucija navedenih u Programu.

Ad. 3. Pismo broj MFA BA EUPS 1074-00/1961-1/04 od 06.02.2004. vezano za dopis Evropskog parlamenta broj 311308 od 02.10.2003.

Gđa Leho je u uvodu podsjetila da je poslije bilateralnog susreta sa Delegacijom Evropskog parlamenta u julu 2003. uputila pismo gđi Pack koje se odnosilo na dogovore sa bilateralnog sastanka. Gđa Pack je 2. oktobra 2003. uputila odgovor na pismo, ali on je prvi put primljen u Parlamentarnoj skupštini BiH 6. februara 2004. putem Ministarstva vanjskih poslova, uz urgenciju Ministarstva i Evropskog parlamenta za odgovor.

G. Hadžović je istakao da je Sekretarijat Parlamentarne skupštine provjerio i utvrdio da odgovor gđe Pack nikada ranije nije primljen i da je prvi put primljen 6. februara 2004. godine putem Ministarstva vanjskih poslova.

Zaključeno je da gđa Leho usaglasila sa g. Radovanovićem i g. Andrićem tekst pisma koje će Komisija uputiti gđi Pack. U pismu će Komisija informirati gđu Pack da nije dobila njen odgovor ranije, da smo zainteresirani za programe stažiranja i seminara i da molimo za informacije o proceduri prijavljivanja.

Ad. 4. Izvještaj o izvršenju Programa aktivnosti za realizaciju prioriteta u 2004. godini za januar 2004. (Izvjestilac Direkcija za evropske integracije)

G. Topčagić je izvjestio Komisiju o stupnju izvršenja pojedinačnih zadataka iz Programa aktivnosti. Za jedan broj zadataka potrebno je još vrlo malo uraditi za postizanje napretka, npr. u nekim institucijama nisu još izvršena imenovanja rukovodilaca, kod nekih zadataka radi se o prenošenju ovlasti na državni nivo, što je političko pitanje.

Uspostavljena je vrlo važna koordinacija između državnih i entitetskih ministarstava.

G. Suljkanović je istakao je neophodno izvještavanje najmanje jednom mjesečno kako bi se u slučaju kašnjenja moglo obavijestiti Komisiju da reaguje.

G. Andrić je pitao da li je moguće na Vijeću ministara donijeti jednu odluku o svim sjedištima institucija i imenovanjima iz Programa aktivnosti.

Zaključeno je da Komisija uputi Vijeću ministara zahtjev da svi učesnici koje Program aktivnosti obavezuje pojačaju dinamiku realizacije obaveza iz Programa. Prethodno gđa Leho će izvršiti analizu dosadašnje realizacije Programa.

Ad. 5. Razno

- Izvještaj delegacije sa Osmog sastanka Mreže parlamentaraca u Beču 22. i 23. januara 2004.

Komisija je prihvatila Izvještaj delegacije sa Osmog sastanka Mreže parlamentaraca za Jugoistočnu Evropu u Beču 22. i 23. januara 2004.

- Prijedlog zaključka o zahtjevu Ministarstvu vanjskih poslova za izradu Schengen-viza za članove Komisije

Zaključeno je da Komisija zatraži od Ministarstva vanjskih poslova izradu jednogodišnjih Schengen-viza za članove Komisije.

- Prijedlog o imenovanju privremenog sekretara Komisije

Zaključeno je da Komisija hitno zatraži imenovanje sekretara Komisije.

G. Hadžović je predložio da se do donošenja odluke o organizaciji Sekretarijata, kojom će biti pojačana i služba za međunarodne odnose, imenuje privremeni sekretar Komisije. Predložio je da se za privremenog sekretara Komisije imenuje Sena Bajraktarević

Zapisnik sačinila
Sena Bajraktarević

Fatima Leho,
predsjedavajuća Zajedničke
komisije za evropske integracije